



# Մ ՈՒՐՐ Զ ԱԿՈՐ

## ԱՌԱՋՆՈՐԴԱՆԻՍՏ ՄԱՅՐ Ե ԿԵՂԵՅԻ



### ԽԱՉԿԵՐԱԾԷՆ ԵՏԲ ԵՐՐՈՐԴ ԿԻՐԱԿԻ

6 ՀՈԿՏԵՄԲԵՐ 2019

Կիրակնօրեայ Ընթերցումներ	Էջ 1
Ողորմութեան Կանչ Մը (14)	Էջ 2

### ԸՆԹԵՐՑՈՒՄ

#### ԵՍԱՅԻ ՄԱՐԳԱՐԷԻ ԳԻՐԳԷՆ

(17.7-14)

**Ե**րբ այն օրը գայ, մարդը իր արարիչին միայն պիտի յուսայ, իր աչքերը Իսրայէլի սուրբ Աստուծոյն պիտի յառէ: Այլեւս իր յոյսը պիտի չկապէ մեհեաններուն կամ իր ձեռագործ չաստուածներուն: Մարդիկ միայն Իսրայէլի սուրբ Աստուծոյն պիտի յուսան: Այլեւս իրենց աչքերը պիտի չյառեն իրենց գարշելի չաստուածուհիին փայտէ արձանիկներուն:

Այն օրը քաղաքներդ պիտի լքուին եւ աւերուին, այնպէս՝ ինչպէս պարպուեցան ամորհացիներու եւ խեւացիներու քաղաքները իսրայէլացիներու յարձակումին դիմաց, քանի որ դուն լքեցիր զԱստուած, քու փրկիչդ, եւ մոռցար Տէրը, քու օգնականդ: Արդ, քանի որ քու տնկած պարտէզդ եւ ցանած սերմերդ օտար չաստուածներու նուիրուած են, ինչ որ ալ տնկես, եւ ցանածդ նոյն օրն իսկ ծաղկի՝ սակայն հունձքին արդիւնք պիտի չունենաս. այն օրը Աստուած հօր մը պէս իր ժառանգութիւնը պիտի բաժնէ, եւ դուն որպէս հատուցում՝ տրտմութիւն պիտի ունենաս:

Վա՛յ բոլոր այն ազգերուն որոնք ալեկոծ ծովու մը պէս Աստուծոյ դէմ կը մոլեգնին

եւ որոնք ալիքներու նման կը շառաչեն: Նոյնիսկ եթէ ծովերուն պէս անհամար ըլլան անոնք, ովկիանոսի ալիքներուն սաստկութիւնն իսկ ունենան՝ սակայն Աստուած պիտի ճզմէ ու ցրուէ զանոնք այնպէս՝ ինչպէս հովը կը քշէ յարդին շիւղը, ինչպէս մրրիկը կ'ալէ կառքերուն հանած փոշին:

Ողբ ու կոծով պիտի փակուի օրն իրենց, առաւօտը դեռ չբացուած՝ ա'լ գոյութիւն պիտի չունենան: Ահա ա'յս պիտի ըլլայ մեր յափշտակիչներուն, մեր կողոպտիչներուն վիճակուած ճակատագիրը:

### ՊՕՂՈՍ ԱՌԱՔԵԱԼԻ

#### ԿՈՐՆԹԱՑԻՆԵՐՈՒՆ ԳՐԱԾ

#### ԵՐԿՐՈՐԳ ՆԱՄԱԿԷՆ

(13.5-13)

**Ք**ննեցէ՛ք դուք ձեզ, տեսնելու համար թէ նոյն հաւատքին մէջ կը մնա՞ք: Փորձեցէ՛ք դուք ձեզ. Քրիստոսի ներկայութիւնը կը զգա՞ք ձեր ներսիդին, թէ պարզապէս իր անունը կը կրէք: Յուսամ գիտէք թէ մենք այդ փորձը յաջողապէս կատարած ենք: Եւ կը խնդրենք Աստուծմէ որ չարիք չգործէք: Ասիկա ըսելով չենք ուզեր մենք մեզ ընտիր ցոյց տալ. ընդհակառակը, կ'ուզենք որ դուք բարին գործէք, նոյնիսկ մեզ ամօթով ձգելու չափ: Որովհետեւ Աստուծոյ ճշմարտութեան դէմ ոչինչ կրնանք ընել, այլ կրնանք միայն անոր համար աշխատիլ: Ուրախութեամբ յանձն կ'առնենք տկարանալ, միայն թէ դուք զօրանաք: Ուստի կ'աղօթենք որ հետզհետէ

կատարեալ ըլլաք: Ասիկա հեռուէն կը գրեմ ձեզի, որպէսզի երբ գամ՝ պէտք չունենամ խստութեամբ վարուելու ձեզի հետ ա՛յն իշխանութեամբ որ Տէրը ինձի տուաւ ուղղելու համար եւ ո՛չ թէ պատժելու:

Կը փակեմ նամակս, եղբայրներ. ո՛ղջ եղէք: Կատարեալ ըլլալու աշխատեցէք. մխիթարուեցէք: Համերաշխ եւ խաղաղութեամբ ապրեցէք իրարու հետ, եւ այն ատեն խաղաղութեան ու սիրոյ Աստուածը ձեզի հետ պիտի ըլլայ:

Սիրոյ համբոյրով ողջունեցէք զիրար: Այստեղի քրիստոնեաները կ'ողջունեն ձեզ:

Տէր Յիսուս Քրիստոսի շնորհքը, Աստուծոյ սէրը եւ Սուրբ Հոգիի հաղորդութիւնը ձեր բոլորին հետ ըլլան: Ամէն:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ  
ԸՍՏ ՄԱՐԿՈՍԻ  
(11.27-33)**

**Յ**իսուս եւ իր աշակերտները դարձեալ Երուսաղէմ եկան:

Մինչ Յիսուս տաճարին մէջ կը պտըտէր, իրեն մօտեցան քահանայապետները, օրէնքի ուսուցիչներն ու երէցները, եւ հարցուցին. «Ի՞նչ իշխանութեամբ կը կատարես այս բաները: Ո՞վ քեզի այդ իշխանութիւնը տուաւ»: Յիսուս անոնց պատասխանեց. «Լա՛ւ, ձեզի պիտի ըսեմ թէ ինչ իշխանութեամբ կ'ընեմ ասոնք, եթէ դուք ալ իմ հարցումիս պատասխանէք: Յովհաննէսի մկրտելու իշխանութիւնը Աստուծո՞մէ՞ տրուած էր իրեն թէ մարդոցմէ: Պատասխանեցէք տեսնեմ»:

Անոնք սկսան իրարու միջեւ խորհիլ եւ ըսել. «Եթէ ըսենք՝ Աստուծո՞մէ տրուած էր, մեզի պիտի ըսէ թէ ինչ ո՛ւ չհաւատացիք իրեն. իսկ “մարդոցմէ էր” չենք կրնար ըսել»: Այսպէս կ'ըսէին՝ ժողովուրդէն վախնալով, որովհետեւ ամէն մարդ զիտէր թէ Յովհաննէս ճշմարտապէս մարգարէ էր: Ուստի պատասխանեցին

Յիսուսի. «Ձե՛նք զիտեր»: Յիսուս ալ իրենց հարցումին պատասխանելով ըսաւ. «Այն ատեն ես ալ ձեզի չեմ ըսեր թէ ի՛նչ իշխանութեամբ կ'ընեմ այս բաները»:



**ՈՂՈՐՄՈՒԹԵԱՆ ԿԱՆՉ ՄԸ  
ԱՊՕԹԲԵՆԻ ԴԵՆՐԱԻՆ**

ՀԵՂԻԵԱԿ՝ ՀԷՆՐԻ ՆՈՒԸՆ

ԹԱՐԳԱՆՈՒԹԻՒՆ՝ ԿԱՐՕ ՄՐԿ. ՆՈՒՍՈՒՏԵԱՆԻ

**ԼՈՌԻԹԻՒՆ**

Ով Տէր Յիսուս, Հօրդ ուղիս խօսքերդ լուս-թեանդ ծնունդն էին: Այդ լուսթեան առաջնորդէ զիս, որպէսզի խօսքերս անունովդ արտայայտուին եւ այդպիսով պողպեղին: Որքան դժուար է լուռ ըլլալ, լուռ՝ լեզուով, բայց աւելին՝ լուռ սրտով: Այնքան շատախօսութիւն կայ մէջս: Կարծես թէ անդադար ներքին վիճաբանութիւններով գրաւուած եմ ինքզինքիս, ընկերներուս, թշնամիներուս, բարեկամներուս, հակառակորդներուս, պաշտօնակիցներուս եւ մրցակիցներուս հետ: Բայց ներքին այս վիճաբանութիւնդ ի յայտ կը բերէ, թէ սիրոս ուրքան հեռու է քեզմէ: Եթէ պարզապէս ուղեւորդ առաջ հանգչէի եւ հասկնայի որ կը պատկանիմ քեզի ու՝ միայն քեզի, ամենայն դիպրութեամբ պիտի դադրէի վիճելէ՛ շուրջիս բոլոր իրական եւ երեւակայական մարդոց հետ: Այս վէճերդ ցոյց կու տան ներքին անապահովութիւնս, վախս, անձկութիւններս, ճանջուելու եւ ուշադրութիւն գրաւելու պահանջքս: Ով Տէր, դուն ինձի պիտի տաս պէտք եղած ամբողջ ուշադրութիւնդ, երբ պարզապէս խօսելէ դադրիմ ու քեզ ունկնդրել սկսիմ: Գիտեմ որ սրտիս լուսթեան մէջ պիտի խօսիս ու՝ սէրդ ցոյց տաս: Ով Տէր, ինձի այդ լուսթիւնդ տուր: Տուր որ համբերատար ըլլամ, եւ տակաւ անիմ այն լուսթեան մէջ՝ հոն միայն, ուր հետդ կրնամ ըլլալ: Ամէն:

(Շարունակելի 14)